



PAHAYAGAN SANG PARTIDO KOMUNISTA SANG PILIPINAS ★ ISLA SANG NEGROS

ANG Paghimakas

GINAUBAYAN SANG MARXISMO-LLENINISMO-MAOISMO HULYO 2023
ISPESYAL NGA ISYU

Abril-Hunyo 2023: Nagbanaw ang dugo sa mag-uuma sa isla sa Negros sa paghari ni Marcos Jr



SA IKADUHANG KWARTO SA TUIG 2023, nagpadayon ug mas nihait ang terorismo ug kapintasan sa isla sa Negros nga gisabwag sa mga binayran ug pasistang Armed Forces of the Philippines (AFP), Philippine National Police (PNP), ug National Task Force (NTF)-Elcac sa ilang desperasyon nga dugmokon ang New People's Army (NPA) ug tibuok rebolusyonyong kalihukan sa dili pa matapos ang tuig. Padayon ang kuyanap nga militarisasyon sa kabanikanhan nga hinungdan sa kalisang sa katawhan ug troma sa mga bata.

Gikan sa bulan sa Abril hangtod Hunyo, ang *Ang Paghimakas* nakadokumento og 92 ka kaso sa mga bayolasyon sa tawhanong katungod, kon sa di-in dili moubos sa 3,000 ang biktima sa mga kalapasan sa pasista ug berdugong pwersa sa estado. Kabahin kini sa sobra 300 ka kaso sa paglapas sa Comprehensive Agreement on Respect for

Human Rights and International Humanitarian Law (CARHRIHL) ug sa internasyunal nga makitawhanong balaod nga gihimo sa AFP/PNP/NTF-Elcac ug sa ilang mga *force multiplier* sa unang tuig sa rehimeng US-Marcos II sa isla sa Negros.

Labi pa nga nisaka ug nidaghan ang mga kalapasan sa mga pwersa sa estado kon itandi sa unang kwarto sa 2023. Nagpakita lang kini sa mas nagkagrabe

ug mas pintas nga kampanya kontra-insurhensya. Gipanghambog ni Gen. Andres Centino, ang AFP Chief of Staff niining panahona, sa dihang nibisita sa Negros niadtong Mayo nga posibleng mapukan ang NPA sa isla sa katapusan sa tuig apan ang tinuod, ang katawhan ang nahimong target sa mga pagpatay, pagpangulata, iligal nga

"Nagbanaw..." sundan sa pahina 2

"Nagbanaw..." gikan sa pahina 1

pag-aresto, ilegal nga pagdetine, pagpanghulga, pagpangharas ug intimidasyon ug uban pang mga kalapasan.

Bisan sa deklarasyon sa AFP nga "huyang" na ang Central ug Southwest Fronts sa NPA, gidugang pa niini ang mga tropa sa 47th IB nga miabot niadtong bulan sa Marso gikan sa Bohol ug ang 50 ka mga sundalo sa Light Reaction Company. Padayon usab ang ilang pagpanglimbong nga "nabungkag" na ang North ug Southeast Fronts apan, hangtod karon, mas nagdugang pa ang presensya sa militar sa wala'y hunong nga mga operasyong kombat. Mas gipakusog pa ang militarisasyon sa kabanikanhan sa ilang binulan nga mga operasyon ug binatayon ang gidak-on sa mga tropa nga mosulod sa mga komunidad.

Desperado na ang AFP/PNP/NTF-Elcac nga puohon ang NPA sa labing dali nga panahon. Nahimong dayag ang ilang pagpatuman sa hugaw ug duguong kampanya kontra-insurhensya ug wala na kini pagtan-aw sa kalahian sa mga kombatant ug sibilyan. Ga-imbento nalang sila og mga drama ug ebidensiya aron dunay mapakita sa publiko pinaagi sa midya ug binayran nga mga propaganda.

Nabantog niining mga bulana ang pag-abdak sa 303rd Brigade nila ni National Democratic Front of the Philippines (NDFP) consultant Rogelio Posadas (Ka Cocoy) ug iyang kauban nga si Lyngrace

Marturillas samtang nagsakay sa duha ka habal-habal nga motor nga gimaneho nila Denald Mialen ug Renel de los Santos sa haywey sa Brgy. Aranda padulong sa Brgy. Camalobalo, Hinigaran, Negros Occidental niadtong Abril 19, mga alas 6:25 sa gabii. Sumala sa mga nakakita sa insidente, gibabagan sila sa usa ka puti nga van diin nanaug sa sakyanan ang mga armadong tawo nga naka-bonnet ug pugos nga gikuha-pasulod sa maong sakyanan sila si Posadas ug Marturillas, kuyog ang duha ka drayber.

Gideklara sa 303rd Brigade nga namatay si NDFP consultant Rogelio Posadas sa usa ka peke nga engkwentro tali sa NPA ug mga tropa sa 94th IB ug 62nd IB sa Brgy. Santol, Binalbagan, Negros Occidental pagka-kaadlawon niadtong Abril 20. Samtang sila Marturillas, Mialen ug De los Santos wala pa nakit-an hangtod karon. Wala'y hunong ang pagpangita sa mga pamilya sa mga biktima apan wala'y kaluoy ang 303rd Brigade sa pagtago sa tulo aron tabonan ang nahitabo kanila.

Gikan sa bulan sa Abril hangtod Hunyo, mayoriya sa 10 ka kaso sa ekstrahudisyal nga pagpatay ug uban pang bayolasyon sa tawhanong katungod sa isla nagtapok sa Central Negros, diin naka-destino ang agresibo nga pasista ug berdugong 94th IB ug 62nd IB. Dinhi giila sa mga pwera sa estado nga pinakakusog ang pwera sa NPA.

Abril-Hunyo 2023:

92 ka bayolasyon sa tawhanong katungod

Dili moubos sa **3,000** ka biktima


Unang tuig sa paghari ni Marcos Jr sa isla sa Negros:

Sobra **300** ka kaso sa paglapas sa CARHRIHL ug internasyonal nga makitawhanong balaod sa AFP/PNP/NTF-Elcac ug mga force multiplier

Dili moubos sa **24,000** ka biktima

27 sa mga kaso direktang naglambigit sa sobra **50** ka menor de edad

HULYO 2023
ISPESYAL NGA ISYU



ANG **Paghimakas**

Nagapasalamat ang *Ang Paghimakas* sa mga kontribusyon nga naghimong madaugon niini nga isyu. Sa pagpalambo sa atong *Ang Paghimakas*, giawhag ang tanang tigbasa nga padayong mo-amot og mga balita, piktyur, istorya ug uban pang sinulat. Mangayo man kami sa inyong mga suhestyon ug komentaryo unsaon pa gyud palambuan ang atong bantalaan.



angpaghimakas@protonmail.com



negrosrevportal.wordpress.com



94th IB: Masaker Batalyon

GIDAKOP SA 94TH IB UG brutal nga gipatay si Crispin Tingal Jr, 39 anyos, usa ka mag-uuma sa Sityo Dangalon, Brgy. Hilamonan, Kabankalan City, Negros Occidental, niadtong Mayo 3, pasado alas 4:00 sa hapon human ang nahitabo nga engkwentro tali sa tropa sa 94th IB ug sa Mt. Canserron Command-New People's Army (MCC-NPA) sa maong lugar. Si Tingal gikan sa usa ka miting sa asosasyon sa mga mag-uuma sa Kabankalan City sa dihang gidakop siya sa mga elemento sa 94th IB samtang naglakaw sa dalan. Gipailalom pa siya sa tortur sa wala pa gipatay.

Niadtong miaging Disyembre 26, 2022, usa sab si Tingal sa biktima sa siyam ka panimalay nga giransak sa militar. Biktima sa grabeng pagpanghulga, intimidasyon ug uban pang matang sa kalapasan ang pamilyang Tingal ug uban pa sa maong sityo. Gipatawag sila ug gipagawas sa militar nga kuno nga "surrendered."

Kusganon nga gikondenar sa katawhan ang makalilisang nga pagmasaker sa pamilya Fausto niadtong Hunyo 14, alas 10:00 sa gabii sa Sityo Kangkiling, Brgy.

Buenavista, Himamaylan City, Negros Occidental. Upat ka miyembro sa pamilya ang gipatay: Rolly (amahan), 52 anyos, Emilda Fausto (inahan), 49 anyos, lakip ang ilang duha ka anak nga sila Ben, 15 anyos, ug Raben, 11 anyos.

Makapila ka higayon na nga napailalom sa pagpangabuso sa 94th IB ang pamilyang Fausto. Sa miaging tuig, gidakop si Rolly Fausto sa 94th IB ug gitortur mismo sa sulod sa Hilamonan Detachment, pugos siya nga gipangkon nga miyembro sa NPA.

Sa miaging mga bulan lang, sunod-sunod ang nasinati sa pamilya Fausto nga pagpangharas, pagpanghulga, ug pagransak sa ilang panimalay sa mga sakop sa militar, hilabi na ang mga tropa nga nadeestino sa Brgy. Hilamonan ug Brgy. Mahalang, Himamaylan City. Sa wala pa ang hitabo, adunay tulo ka partikular nga mga tawo nga naniid sa ilang balay kada gabii, ug ang usa kanila nailhan nga aset sa militar nga usa ka *rebel returnee*.

Ang pamilya Fausto lehitimong miyembro sa BABICAFFA

BAYOLASYON	KASO	BIKTIMA
Ekstrahudisyal nga pagpatay	2	5
Pakyas nga pagpatay	2	2
Iligal nga pag-aresto	2	2
Paturagas nga pagpamusil	2	3
Pagpanghulga, pagpangharas ug intimidasyon	7	160 <small>(20 ang mga bata)</small>
Iligal nga pagpangita ug pagpanguha	4	47 <small>(22 ang mga bata)</small>
Pagguba sa kabtangan	1	1
Pugos nga pagpabakwit	2	878
Pagkampo sa komunidad	2	50
TOTAL	24	1,148

(Baklayan, Bito, Cabagal Farmers and Farmworkers Association), usa ka lokal nga asosasyon sa lugar. Aktibo sab nga sakop sa simbahang Iglesia Filipina Independiente (IFI) ang pamilya. Padayon nga gihulga ug gipangita sa militar ug kapulisan ang nahibiling mga anak sa magtiayong Fausto.

Desperado ang 94th IB nga tabunan ang ilang pagpatay sa mga Fausto. Niadtong Hunyo 19, gipatawag si Benjie Teruel sa nasambit nga tropa militar aron pugson siya nga moangkon nga siya ang nipatay sa pamilya. Tiyo ni Crispin Tingal si Teruel ug aduna syay kalisdanan sa paglakaw tungod sa deperensya sa lawas. Giakusahan usab siya nga usa ka sakop sa NPA ug kuyog sa niharas sa Hilamonan Detachment niadtong Hunyo 13.

Niadtong Mayo 3, atol sa pagpatay kang Tingal, gipabuthan og armas sa nasambit nga militar ang igsoon ni Tingal nga si Ramon nga mopaduol unta kaniya. Sa ulahi, nadung-

"94th IB..." gikan sa pahina 3

gan na lang sa iyang igsoon nga gaagulo na lang ug nakit-an nga gisulod si Tingal sa sako. Samtang, gigukod ug gipabuthan og armas sa mga elemento sa 94th IB ang anak ni Tingal nga si Cristan nga misulay unta og duol sa ilang balay.

Giransak og usab ang mga kabalayan sa mga igsoon ug tiyo ni Tingal sa ilang lugar, sa pareho nga adlaw. Gikuha pa sa militar ang kuwarta ug alkansya sa mga balay nga ilang giransak. Pipila ka semana ang milabay, gibalikan pa sa nahisgutang militar ang pamilyang Tingal ug gihulga nga kung mopasaka sila og kaso, hutdon sila pagpatay.

Samtang iligal nga gi-aresto ang silingan ni Tingal nga si Allan Ramos, niadtong Mayo 11, alas 5:00 sa hapon human nga gi-istraping sa nasambit nga tropa militar ang balay ni Ramos ug sa iyang igsoon nga si Albert. Gideklarar sa 94th IB nga usa ka engkwentro ang maong insidente. Pugos nga gipabakwit ang 878 ka indibidwal sa Sityo Dangalon ug sa kasikbit nga mga sityo sa Barangay Hilamonan, Kabankalan City, human sa insidente ug ingon man sa nahitabo nga engkwentro tali sa MCC-NPA ug 94th IB niadtong Mayo 3.

Iligal nga gidakop sa 94th IB ug sa mga pwersa sa PNP si Susan Medes, 58 anyos, usa ka mag-uuma, sa Sityo Calasa, Brgy. Caradio-an, Himamaylan City, niadtong Hunyo 25. *Chairman* sa BABICAFFA si Medes ug nagpuyo sa Sityo Bito, Brgy. Buenavista sa nasambit nga dakbayan. Gihimo-himoan siya og kaso nga *murder* ug *frustrated murder* nga kalambigit sa ambush sa NPA sa Sityo Bunsad, Brgy. Buenavista, Himamaylan City, niadtong Mayo 12, 2018.

Si Susan Medes ang asawa

ni Rodrigo Medes nga nasikop usab sa mga sakop sa kapulisan ug militar kuyog sa lima pa ka mga residente ug usa ka pastor sa United Church of Christ of the Philippines (UCCP) sa Brgy. Buenavista niadtong Hunyo 26, 2019, base sa susamang hinimo-himo nga kaso ug gipasanginlan nga sakop sa NPA ug naa gihapon sa prisohan hangtod karon.

Nagpabuto sab og M203 grenade launcher ang 70 ka buok nga tropa sa 94th IB duol sa usa ka umahan sa pasangil nga dihay nag-istar nga mga NPA sa Sityo Pisok, Brgy. Buenavista, Himamaylan City niadtong Abril 15.

Niadtong Abril 10-13, naglunsad og *checkpoint* ang mga sakop sa 94th IB sa komunidad sa mga sityo sa Bungyod, Montara, Victoria, ug Proper, Brgy. Camangcamang, Isabela, Negros Occidental. Gipangsusi nila ang aktibidad sa mga lumulupyo ug nanguha og mga piktyur. Namadlong, nanghulga ug namalay-balay ang mga sundalo sa mga komunidad sa mga nasambit nga sityo, lakip na ang mga sityo sa Jamaica, Kalubihan, Conchita, ug Emma sa maong barangay. Niabot sa halos duha ka semana ang pagtiner sa tropa militar sa maong mga komunidad.

Samtang, gi-reyd ug girak-rakan og armas ang pamilya But-ay niadtong Abril 11, sayo sa buntag, sa Sityo Pallacon, Brgy. Payao, Binalbagan, Negros Occidental. Gipusil sa militar ang kabaw sa pamilya But-ay nga nasaypan nga NPA.

Nagpakaaron-ingnon pa nga makitawhanon ug tigpanalipod sa kalinaw ang 94th IB sa pagpanguna sa ilang kumander nga si Lt. Col. Van Donald Almonte sa dihang nagpadala og sulat sa mga lumulupyo sa Brgy. Buenavista, Himamaylan City niadtong Mayo. Apan nidugang lang kini

sa mga kapintasan ug brutalidad nga ilang gihimo batok sa mga inosenteng sibilyan hilabi na sa maong barangay.

Giransak ang balay sa pamilya De Leon sa Sityo Cantupa, Brgy. Buenavista, Himamaylan City niadtong Hunyo 8. Usa sab sila sa mga pamilya nga gipadalhan og sulat ni Almonte. Samtang, sa Sityo Pisok sa susamang barangay, giransak ang balay ni Joel Casusa ug gipang-ibot ang iyang kapin 300 ka bag-ong tanom nga bisol ug kapin sa 50 ka punoan sa saging niadtong Abril 15.

Gawas sa BABICAFFA, giatake usab sa 94th IB ang mga opisyal ug miyembro sa uban pang mga asosasyon sa mag-uuma. Gipasanginlan ang ilang mga organisasyon nga mga "prente nga organisasyon" sa Communist Party of the Philippines (CPP) ug NPA.

Lima ka asosasyon sa mga mag-uuma ug mga mamumuo sa umahan sa Kabankalan City ang nakigsulti nila ni Mayor Benjie Miranda ug City Legal Atty. Zafra niadtong Hunyo 8 tungod sa pagpangabuso nga ilang nahia-guman gikan sa 94th IB ug matubag ang ilang mga demanda para matagqan og hustisya ang mga biktima sa pagpatay, iligal nga pag-aresto, pag-imbestigar, paghulga, pagransak sa mga balay, ug pagpangulata, ug mahunong ang mga gihimo sa militar batok sa lumulupyo sa Kabankalan City.

Mao sab ang nahitabo sa mga miyembro sa asosasyon sa mag-uuma sa Brgy. Salong ug Camansi niadtong Hunyo 17. Giharas sila ug gipasanginlan ni Sgt. De Atras, sakop sa 94th IB, nga ang mga nagtikad sa ilang mga umahan mao ang NPA. Gustong kuhaon sa militar ang lista sa mga ngalan sa miyembro. Nagbunga kini og kahadlok ug kabalaka sa mga lumulupyo.

62nd IB: Tigpatay sa mag-uuma

NIADTONG MAYO 20, ALAS 5:00 sa kaadlawon, lima ka mag-uuma ang brutal nga gipatay sa pasista ug tigpatay sa mag-uuma nga 62nd IB sa managlahing insidente ug gipagawas nga mga sakop sa NPA nga napatay sa engkwentro.

Gimasaker ang magtiayong Juliven Ramirez, 23 anyos, ug Evelyn Meren, 31 anyos, taga-

Sityo Napiluan, Brgy. Quintin Remo, Moises Padilla, Negros Occidental. Gi-reyd sa pasistang 62nd IB ang ilang balay diin nagpahulay ang mga sakop sa NPA. Samtang, gitiwasan si Ruben Obidas, 49 anyos, taga-Sityo Nakuruhan, Brgy. Quintin Remo, Moises Padilla. Nasamdan siya sa dihang naigo sa paturagas nga pagpamusil sa nahisgutang tropa militar.

Wala'y kaluoy nga gipatay sa 62nd IB ug sa 16th Scout Ranger Company (SRC) ang amahan ug anak nga sila Antonio Babor, 77 anyos, ug Jurielen Babor, 27 anyos, sa Sityo Amumuyong, Brgy. Trinidad, Guihulngan City, Negros Oriental, human sa engkwentro tali sa tropa sa 62nd IB ug sa Leonardo Pa-

naligan Command-New People's Army (LPC-NPA) sa nasambit nga lugar.

Samtang, brutal nga gipatay sa 62nd IB si Jose "Jojo" Albores, 32 anyos, usa ka mag-uuma sa Sityo Upper Tiyos, Quintin Remo, Moises Padilla, niadtong April 18, alas 5:00 sa buntag, sa iyang kaugalingong panimalay. Kalit lang nga girakrakan sa usa ka platon nga nagoperasyon nga tropa sa 62nd IB ang iyang balay. Sa wala pa siya gipatay, nibarog siya nga saksi sa blotter sa managsuong Jeffrey ug Jessel Gella, mga mag-uuma nga gikulata sa nasambit nga militar niadtong Abril 7 sa mao gihapon nga sityo.

Nagresulta sa kamatayon sa duha ka mag-uuma nga sila Roweno Anubong, 40, taga-Sityo Agogolo, Brgy. Macagahay, Moises Padilla, ug Benjie Ebarle, legal ang edad, minyo ug adunay tulo ka anak, taga-Sityo Bungaw, Brgy. Trinidad, Guihulngan City ang paturagas nga pagpamusil sa 62nd IB niadtong Hunyo 13, alas 9:00 sa buntag, sa Sityo Cupad, Brgy. Macagahay, Moises Padilla.

Iligal nga giutingkay ang panimalay sa magtiayong Jerry ug Maricel Montefalcon niadtong Abril 15 sa Sityo Natuling, Brgy. Budlasan, Canlaon City. Gidakop dayon si Jerry Montefalcon sa mga miyembro sa 62nd IB. Gipasanginlan siya nga sakop sa NPA ug nakahiagum na og pagpangharas ug intimidasyon sa miaging tuig. Mao sab ang nahitabo kang Lucricio Villegas, 57 anyos, niadtong Abril 22 sa sayong

BAYOLASYON	KASO	BIKTIMA
Ekstrahudisyal nga pagpatay	5	8
Iligal nga pag-aresto	4	4
Paturagas nga pagpamusil	2	40
Pagpangulata	5	9
Pagpanghulga, pagpangharas ug intimidasyon	14	125 <i>(8 ang mga bata)</i>
Iligal nga pagpangita ug pagpanguha	2	17 <i>(5 ang mga bata)</i>
Pugos nga pagpabakwit	1	1,000
Pagkampo sa komunidad	5	110
Pagbayolar sa tawhanong katungod sa hors de combat	2	2
TOTAL	40	1,315



"62nd IB..." sundan sa pahina 6

"62nd IB..." gikan sa pahina 5

buntag, sa Sityo Banban Uno, Brgy. Guba, Vallehermoso, Negros Oriental. Gitamnan siya og usa ka mubo nga armas ug granada.

Iligal nga gidakop si Leonido Montero sa iyang panimalay niadtong Abril 28 sa Sityo Malatanglad, Brgy. Budlasan, Canlaon City. Niadtong 2017 pa nakadawat na siya og mga pagpanghulga sa tropa militar. Gidakop siya uban ni Anthony Curson (Ka Miguel), nga nagpahulay sa iyang balay tungod sa sakit sa kidney. Sa ulahi, gipatay si Curson sa pasistang 62nd IB. Samtang, gisikop ang bag-o lang nakapauli sa iyang balay gikan sa trabaho nga si Aldren Valbuena, 20 anyos, niadtong Hunyo 16 sa Sityo Manta-uyan, Brgy. Macagahay, Moises Padilla. Gitamnan siya og .45 cal. pistol ug military pack ug pugos nga gipaangkon nga sakop sa NPA.

Nagmugna og kahadlok sa mga mag-uuma ug mga bata ang pasagad nga pagpamusil sa 62nd IB sa Sityo Uyangan, Brgy. Budlasan, Canlaon City, niadtong Hunyo 15, alas 11:00 kapin sa gabii. Mao sab ang gihimo sa nahisgutang militar sa Sityo Cansampo, Brgy. Bagtik, La Libertad, Negros Oriental, niadtong Hunyo 24, alas 5:30 sa hapon. Sobra lima ka minuto ang ilang pagpaulan og bala. Gipanghambog sa militar nga may nahitabong engkwentro tali sa LPC-NPA ug sa 62nd IB.

Sa bulan sa Abril, siyam ka mag-uuma ang gikulata sa pasistang 62nd IB sa Brgy. Quintin Remo, Moises Padilla, ug Guihulngan City. Gikulata si Ronie Catasyo, ug ang iyang tulo ka igsoon sa Sityo Kadanlugan, Brgy. Quintin Remo dihang namalibad sa pangutana sa nasambit nga militar kon nakakita

ba sila og NPA. Giinterogar ug gikulata sa nag-operasyon nga mga sundalo sa 62nd IB si Jesus Molina sa Sityo Inarawis niadtong Abril 6, alas 7:00 sa buntag. Bag-o lang siya nga naabot sa balay sa iyang ugangan sa dihang giimbestigar siya. Samtang, giinterogar ug gikulata sila si Ulie Castillo sa Sityo Nakurohan ug ang managsuong Jeffrey ug Jessel Gella sa Sityo Tiyos niadtong Abril 7 human nga giransak ang ilang balay. Gikulata sab si Janny de la Peña sa Sityo Ngalan, Brgy. Sandayao, Guihulngan City.

Walay hunong sa pagpanghulga ug pagpangharas ang mga binayran nga 62nd IB gikan Abril hangtod Hunyo, sa diin 100-400 ka tropa ang nag-operasyong militar. Nagtiner sila sa mga eskwelahan ug barangay hall nga lapas sa mga kasabotan sa internasyunal nga makitawhannong balaod.

Gipangsaka-saka sa 62nd IB ang mga kabalayan ug nangimbestigar sa mga lumulupyo, gipasanginlan sila nga mga tigsuporta sa NPA ug gipanghadlok. Apektado niini ang mga residente sa unom ka sityo sa Brgy. Quintin Remo ug Macagahay sa Moises Padilla; Sityo Omot sa Brgy. Santol, Binalbagan; Sityo Hinagduan ug Aguntilang-3, Brgy. Riverside, Isabela; Sityo Banban Dos, Brgy. Bucalan ug Sityo Natuling, Brgy. Budlasan, Canlaon City; mga sityo sa Gomuktok ug Cansampo sa Brgy. Bagtik, La Libertad; Sityo Dadyangao, Brgy. Luz, Guihulngan City; ug sa Sityo Banban Uno, Brgy. Guba, Vallehermoso.

Gihulga si Osot Anillo niadtong Abril 11 sa Sityo Hinagduan, Brgy. Riverside, Isabela, nga "kung dili motug-an sa presensya sa NPA, kasohan ug prisohon." Gipasanginlan usab nga mga tigsuporta sa NPA ug giteniran ang mga balay nila

Jimmy Tanodra, Berto Recisio, Jimmy Panunsi, ug Berto De Leña, puros nga mag-uuma sa Sityo Banban Dos, Brgy. Bucalan, Canlaon City niadtong April 19. Samtang, giransak sa usa ka platun sa 62nd IB ang panimalay sa pamilya Villegas sa Sityo Banban Uno, Brgy. Guba, Vallehermoso. Gigukod ug gipusil sa mga tropa sa 62nd IB si Junior de los Trico (adunay deperensya sa pangisip) niadtong Hunyo 23 sa Sityo Cansampo, Brgy. Bagtik, La Libertad. Naghatag kini og kahadlok sa biktima.

Samtang, gisulod ang mga kabalayan ug gipanguha sa militar ang mga personal nga selpon sa mga lumulupyo hilabi na ang mga selpon sa mga batan-on sa Sityo Agogolo, Brgy. Macagahay, Moises Padilla, niadtong Abril 19. Namadlong usab ang militar sa mga residente nga nilabay sa mga kabalayan nga ila giteniran sa maong mga sityo.

Pugos nga gipabakwit ang dili moubos sa 250 ka pamilya sa Sityo Napiluan, Brgy. Quintin Remo, Moises Padilla niadtong May 20 human sa engkwentro tali sa LPC-NPA ug 62nd IB.

Wala na giila sa 62nd IB ang katungod sa duha ka hors de combat nga brutal nilang gipatay. Gidakop ug gipatay si Anthony Curson (Ka Miguel), 22 anyos, sa Sityo Malatanglad, Brgy. Budlasan, Canlaon City, alas 3:00 sa hapon, niadtong Abril 28. Naghubag ang iyang mga tiil ug paa nga halos dili na makalakaw tungod sa deperensya sa iyang kidney.

Samaron sab si Alvin Bayno (Ka Dagger), 20 anyos, taga-Sityo Caliban, Brgy. Banogbanog, Isabela, ug wala nay ikasukol apan gipatay siya human sa engkwentro tali sa 62nd IB ug LPC-NPA niadtong Mayo 20, alas 5:00 sa buntag, sa Sityo Napiluan, Brgy. Quintin Remo, Moises Padilla.



15th IB ug 47th IB: Mga berdugo ug mangingilad

WALAY KALUOY NGA GIPATAY SA 15th IB si Gusting Mapos, sa Sityo Bajay, Brgy. Caliling, Cauayan, Negros Occidental niadtong Mayo 21, alas 3:30 sa hapon. Si Mapos, lumad sa nasambit nga barangay, niadto lang unta sa iyang baol sa Sityo Bajay sa dihang nakurat ang mga lumulupyo nga kalit nakadungog og daghang buto sa armas. Walay engkwentro tali sa Armando Sumayang Jr Command-New People's Army (ASJC-NPA) ug 15th IB niining panahona sukwahi sa pangangkong sa nasambit nga militar nga kaswalidad sa engkwentro si Mapos.

Duha pa ka mag-uuma ang gipatay sa berdugong 47th IB sa syudad sa Sibalay, Negros Occidental. Gidakop sa mga sundalo si Jonel Bayno, 27 anyos, taga-Brgy. Manlucahoc, apan patay'ng lawas nalang kini sa dihang nakit-an sa Crossing Tanduy, Brgy. Camindangan niadtong Mayo 25. Samtang, sa laing insidente, gidala sa mga elemento sa susamang tropa militar si Rogelio Lacton, nagpuyo sa Brgy. Camindangan, ug napalgan nga patay na niadtong Mayo 27 sa Sityo Sadlum

sa mao gihapon nga barangay.

Gi-ukay sa 15th IB ang balay sa usa ka pamilya sa Sityo Suha, Brgy. Camalandaan, Cauayan niadtong Mayo 1. Samtang, sa Sityo Lin-ab sa mao gihapon nga barangay, gipugos og kuha ang selpon sa anak sa usa ka mag-uuma ug gitan-aw kung kang kinsa ang mga numero ug unsa ang mga mensahe nga anaa sa selpon.

Sa hamulag nga panghitabo sa Sityo Lin-ab niadtong Mayo 1, gihulga sa mga sundalo sa 15th IB ang usa ka pamilyang mag-uuma nga kung dili ablihan ang pultahan sa ilang balay, pabuthan sila ug pusilon. Human nga giablihan sa tagbalay ang pultahan tungod sa kahadlok, gisulod sa mga soldado ang panimalay. Niadtong Mayo 12, sa Sityo Buhod, Brgy. Camalandaan, Cauayan, gitanggong usab sa nasambit nga tropa mi-

litar ang mga tawo nga namista ug wala kini gipapauli.

Gipangsaka sa kombinadong tropa sa 15th IB ug 47th IB ang mga kabalayan ug gipangpiktyuran ang lumulupyo sa Sityo Canangan, Brgy. Camalandaan, Cauayan niadtong Hunyo 13. Sa susamang petsa, nagpakaaroningnon ang mga nasambit nga militar nga mga sakop sila sa NPA. Ilang gihulga ang mga lumulupyo nga ilang naadtoan sa 16 ka sityo sa Brgy. Inayawan, Cauayan nga kung motugan nga adunay mga armado, balikan sila.

BAYOLASYON	KASO	BIKTIMA
Ekstrahudisyal nga pagpatay	3	3
Iligal nga pagpangita ug pagpanguha	4	150
Pagpanghulga, pagpangharas ug intimidasyon	4	205
TOTAL	11	358

BAYOLASYON	KASO	BIKTIMA
Iligal nga pag-aresto	1	2
Iligal nga pagdetine	1	10 <i>(lakip ang mga bata)</i>
Paturagas nga pagpamusil	1	10
Pagpangulata	3	3
Pagpanghulga, pagpangharas ug intimidasyon	3	14
Pugos nga pagpabakwit	1	147
Pagkampo sa komunidad	5	280
TOTAL	15	466



11th IB ug 79th IB: Mga pasista ug peligroso sa mga bata

NAGPADAYON ANG MGA OPE-RASYONG MILITAR sa kabukiran sa northern ug southeast Negros bisan pa sa pagpamakak sa AFP nga "dismantled" na ang Rachele Mae Palang Command (RMPC-NPA) ug ang Roselyn Jean Pelle Command (RJPC-NPA). Nagsabwag pa gihapon og kapintasan ang 11th IB ug 79th IB batok sa katawhan.

Sulod sa Abril hangtod Hunyo, makanunayon ang mga *focused military operation* sa 11 ka mga barangay sa Calatrava, Negros Occidental; mga barangay sa San Isidro, Tabun-ac, Bandila, San Jose, ug Gen. Luna, lungsod sa Toboso, Negros Occidental, ug sa mga sityo sa Brgy. Pinapugasan, Escalante City, Negros Occidental. Nagtenir sila sa mga komunidad eskwelahan, *day care center*, *gymnasium*, merkado, ug mga kapilya. Nimugna kini og kalisang ug perwisyo sa panginabuhi sa lumulupyong.

Pagkahuman sa kontra-open-siba sa RJPC-NPA batok sa

pasistang 79th IB niadtong Abril 6 sa Sityo Seraje, Brgy. San Isidro, Toboso, ang mga residente ang gibalikan dayon sa nasambit nga tropa militar. Gisipa ang sampot ug gisumbag sa mga tropa sa 79th IB ang usa ka *senior citizen* samtang naghigda sa iyang duyan. Giransak ang balay ug gikulata sab ang usa ka kanhing miyembro sa CAFGU tungod wala kini nagtaho sa presensya sa NPA. Duguon usab ug guba ang baba ni Renz Manos, usa ka *tigbarter* og isda sa Sityo Seraje, human gikulata sa mga sundalo sa 79th IB. Wala siya nakatubag sa dihang gipangutana sa militar kung kinsa ang kapitan sa Brgy. San Isidro, bag-o lang siya nagtenir sa maong dapit.

Ingon man, pugos nga gipabakwit ang dili moubos sa 140 ka indibidwal pagkahuman sa insidente. Sa dihang nakabakwit na ang lumulupyong, giransak sa tropa sa 79th IB ang 10 ka panimalay sa maong sityo diin naguba ang pultahan sa usa ka

balay. Gikuha usab ang mga personal nga kabtangan sama sa duyan, mga sinina, botas, ug kuwarta nga mokabat sa P10,000. Ang nahisgutang mga butang walay kaulaw nga gipagawas sa 79th IB isip mga "narekober" pagkahuman sa engkwentro.

Samtang niadtong Abril 8, duha ka mag-uuma nga nagpaingon sa ilang baol sa Sityo Seraje ang gihulga dihang nasugatan sa mga sakop sa 79th IB, "unsa man ang gusto ninyo, mag-uma pa mo diri o ibaylo ang inyong kinabuhi?" Tungod sa kahadlok, wala na sila nanguma sa maong sityo.

Sa lungsod sa Sta. Catalina, Negros Oriental, iligal nga gidakop sa 11th IB ang magtiayong Rani 'Ka Jeje' Casilao ug Miralyn 'Ka RV' Fortunado, kuyog ang ilang usa ka bulan nga bata, sa Sityo Tamlang, Brgy. Talalak niadtong Mayo 14. Gidala sila sa 11th IB headquarters sa Brgy.

"11th IB..." *sundan sa pabina 9*



"11th IB..." gikan sa pahina 8

Salag, Siaton, Negros Oriental, ug gipugos si Casilao nga mogiya sa ilang operasyong militar.

Samtang, nagpaturagas og pamusil ang nasambit nga militar ug iligal nga gitanggong ang 10 ka mga lumulupyo lakip na ang mga bata ug *senior citizen* sa Sityo Undol, Brgy. Talalak ug gipugngan nga moadto sa ilang mga binuhi ug umahan. Nahitabo kini usa ka adlaw human sa *mis-encounter* tali sa 11th IB ug PNP samtang nagpahigayon og operasyong kombat sa mga sityo sa Brgy. Talalak niadtong Mayo 16.

Gipugos usab ang mga residente sa mga sityo sa Avocado ug Tamlang, sa mao gihapon nga barangay, para "mokooperar" ug mosurender sa 11th IB niadtong Hunyo 4. Sa susamang adlaw, pugos nga gikuhaan og hulagway ang mga mag-uuma nga sila Salvio Dacaldacal ug Laden Veranio samtang nagguni og blangko nga papel sa Sityo Kansarania, Brgy. Apoloy, Siaton, Negros Oriental. Gihimo kini para sa kampanya sa militar sa "pagpasurender" sa mga lumulupyo nga ilang gipasanginlang mga tigsuporta sa NPA.



Nabutang sa peligro ang batang Negrosanon

SA UNANG TUIG NI MARCOS Jr, nikabat sa 27 ka kaso ang bayolasyon sa tawhanong katungod nga gihimo sa AFP/PNP/NTF-Elcac nga direktang naglambigit sa kapin 50 ka menor de edad. Hangtud karon, wala gihapon malingkawas ang inosenteng mga bata batok sa pagpamig-ot ug pagpanghostage sa mga pwersa sa estado.

Niining tulo ka bulan, pinakagrabe nga pagpangatake sa mga pwersa sa estado sa mga batang Negrosanon ang pagpatay nila Ben (15 anyos) ug Raben (11 anyos) Fausto niadtong Hunyo 14 sa Sityo Kangkiling, Brgy. Buenavista, Himamaylan City.

Naa pa gihapon sa kustodiya sa City Social Welfare and Development (CSWD) sa Escalante City, Negros Occidental si Baby Marx Cairo Salino. Anak sa magtiayong Pulang manggugubat si Baby Marx ug gihimo kining *hostage* aron mosurender ang ginikanan. Duha pa lang ka bulan ang bata sa dihang gikidnap sa 79th IB niadtong Enero 2021.

Samtang, padayon nga gipangita sa 11th IB ug gipabilin ang ganti nga P50,000 sa duha ka tuig nga anak sa mga Pulang manggugubat sa Rachele Mae Palang Command aron pugson ang ginikanan nga mosurender.

Ang nagkagrabe nga paglapas sa tawhanong katungod sa Negros kadungan sa pagsulod sa daghang ekonomikanhong interes sa dagkung burgesya komprador ug langyaw'ng kapitalista sa isla. Ang katawhan nag-atubang sa kadaut sa *large-scale mining* ug *quarry*, *bulk water project* o *mega dam*, reklamasyon sa baybayon, mga iskema sa pagpangilog og yuta o rekonsentrasyon sa kayutaan ngadto sa agalong yutaan sama sa National Greening Program ug *land reclassification*, ug ekoturismo. **AP***

JUSTICE FOR MURDERED REVOLUTIONARIES!

